



UNIVERSITÄTS-  
BIBLIOTHEK  
PADERBORN

**Tractatus Juridicus Ad Librum III. Decretalium Gregorii IX.  
Clericorum in communi, nec non Prælatorum, ac  
Capitulorum in specie obligationes, & jura complectens**

**Scharz, Oddo**

**Salisburgi, 1738**

§. I. Erroneus Boehmeri conceptus de Libertate Conscientiae exponitur.

---

[urn:nbn:de:hbz:466:1-63800](https://nbn-resolving.de/urn:nbn:de:hbz:466:1-63800)

*scientiæ libertatem ambabus ulnis prehendere, remis, velisque contendant. Qui enim dolemus (loquimur cum Tertulliano lib. 4. ad Scapulam cap. 1.) de ignorantia vestra, & miseremur erroris humani, & futura prospicimus, signa eorum quotidie intentari videmus; necesse est, vel hoc modo erumpere ad proponenda vobis ea, quæ palam non vultis audire. Si nihil proficimus, dormiant, per nos licet, Endymiones hi infelicissimi in utramque aurem, loquendum deinceps erit vigilantibus, ut ne intrent in tentationem. Utamur ergo etiam hæreticis (S. Augustinum cit. lib. loqui scitote) non ut eorum approbemus errores, sed ut Catholicorum disciplinam adversus eorum insidias afferentes, vigilantes, & cautores simus, etiam si eos ad salutem revocare non possumus.*

## §. I.

*Erroneus Bæhmeri conceptus de Libertate Conscientiæ exponitur.*

## SUMMARI A.

1. *Conscientia definitur à Bæhmero, & exponitur.* 2. *Alia est antecedens, alia consequens, utraque vel recta, vel erronea.* 3. *In dubiis conscientie peritorum confilia querere, consultum non esse ait, & cur?* 4. *Quæ sit recta conscientia, propter diversa hominum studia non facile decidi potest.* 5. *Ex S. Scriptura, vel iudicio Ecclesiæ ejus decisio non recte petitur.* 6. *Quia ejusmodi leges ad intellectum non possunt penetrare.* 7. *Bæhmerus conscientiam suam ab errore purgare vult.* 8. *Libertas conscientie certissima norma agendorum, vel faciendorum constituitur.* 9. 10. *Objectionem subjuncta sua resolutione proponit.* 11. *Libertas conscientiæ triplici argumento firmatur.* 12. *Aliquamdiu in Germania sub jugo Papalis dominatus pressa jacuit.* 13. *Tandem per Transactionem Passavensem, Pacem Religiosam, & Instrumentum Pacis Westphalicæ compedibus soluta fuit.*

**A**ntequam aureum *Libertatis* pomum *Conscientiæ* consecret Bæhmerus, ipsius *Conscientiæ*, & *Libertatis* genuinam indolem, & rationem eruendam esse, scribit §. 4. *Conscientiam subinde in §. 5. describit, quod sit argumentatio, seu judicium hominis de actionibus suis secundum leges, aliasque normas obligatorias institutum, ut*

*earum bonitatem, aut pravitatem inde colligat.* Hanc porro definitionem sic exponit. I. *Conscientia præsupponit notitiam accuratam factorum proprietatum.* II. *Etiam Scientiam normæ illius, ad quam euilibet vitæ suæ actus exigendi sunt, maximè vero in hoc interno tribunalí normam constituunt præter leges naturales, & positivas, præcepta virtutum*

amio-

## Erroneus Bœhmeri conceptus de Libertate &c. 3

amoris, honestatis, pietatis, & præcipue Religionis; hæc enim, inquit, potissimum mentes hominum constringit, occupatve, ut actiones suas secundum ejus regulas, & præcepta componere studeant, & an compositæ, & ad eas formatæ fuerint, judicent. In hoc igitur conscientiæ tribunal, quod etiam *forum internum* audit, quisque sui ipsius Judex est, & semetipsum vel absolvit, si actiones suas ad præscriptam normam compositas reperit; aut si easdem à dicta norma deviâsse animadvertisit, sententiam condemnatoriam adversus seipsum pronuntiat, & in hac sui ipsius discussione, & ratiocinatione *Conscientia* consistit.

- 2 Conscientiam sic descriptam dividit §.7. in *antecedentem*, & *consequentem*. Illa facienda dirigit, & imperat; hæc facta tum *interna*, tum *externa* secundum normam præscriptam examinat. Utraque potest esse vel *recta*, vel *erronea*. Hanc oriri ait vel ex falsis principiis, secundum quæ mens examen instituit, vel ex *factorum*, aut *faciendorum* superficiaria, vel falsa inspectione, dum *facta*, vel *facienda* aliter menti ex impulsu voluntatis repræsentamus, quam revera sese habent. Homines enim naturæ corruptæ vitio non semper *facta* vel *facienda* secundum rei veritatem examinant, sed ductu concupiscentiarum suarum pessimè, minùsque rectè inspiciunt.

- 3 Sed quid, si dubitatio circa ipsa principia oriatur, ad quæ examen actionum nostrarum instituendum est, v.g. an hoc vel illud prohibitum sit? eritne tutum peritorum Consilia audire, & sequi? Nequaquam, respondet Bœhmerus, quia ejusmodi consultores (in-

quit §.8.) tantum in *Thesi*, quid permisum sit, non etiam in *hypothesi*, ostendere possunt, nam, cum de intentione, & interna mentis operatione alterius judicare non possint, quippe, quæ secretorum cognitio soli DEO relinqui debet, ideo admodum intutum est, ab aliis, quid salva conscientia fieri possit, Consilia petere. Pontificiorum hi laquei sunt, quibus conscientias irretiunt, & sub prætextu consiliorum laicis fræna injiciunt, ut de quæstionibus, tangentibus conscientiam, decernere non possint, sed à Cleri deciso & arbitrio dependere cogantur. In quem finem ab ipsis *Judicia Ecclesiastica* instituta sunt, quos Protestantes deinceps incaute imitati sunt, cit. §.8. similiter *Consistoria*, & *tribunalia Ecclesiastica* constituent, in quibus à Theologis causæ, & casus Conscientiæ, exclusis laicis, tractabantur. Verum *Male*, *Conscientiis partium consulitur bis remediis CO ACTIVIS*, iudiciis propriè dictis, cum per viam *DOCTRINÆ* potius ius consulendum esset. Remedia enim *coadiva* Conscientia respuit. Ecce Bœhmerus jam parturiens loquitur: paulò post pulcherrimus fœtus, *Conscientiae Libertas*, in lucem prodibit.

Norma agendorum (pergit in §.9.) 4 ipfa Conscientia *recta*, esse debet, quia hæc sola secundum veritatem principiorum, & factorum, vel *faciendorum* rectè judicat, propter diversa tamen hominum studia hæc Thesis in praxi multis innodata est difficultatibus, dum quisque suam Conscientiam putat esse *rectam*, quam alii forsan *erroneam* ajunt, si vel maximè judicio plurimorum, magnæ auctoritatis virorum, comprobata sit. Quam judgmentum diffontantiam

A 2

in-

inde nasci autumat, quod quælibet societas Ecclesiastica suos habet assedias authoritate præditos, quò sit, ut, qui sunt de illa societate, & communione, cùm secundum suorum Magistrorum principia judicent, suásque actiones metiantur, rectam se Conscientiam habere arbitrentur, quia nimis illa principia recta, sanaque esse credunt: quos tamen illi, qui doctrinam è diametro oppositam tradunt, & diversis principiis innutriti sunt, in magno errore versari dicunt, se verò tantum rectam Conscientiam tenere arbitrantur. Sic negant Pontificii, Clericos salva Conscientia uxores posse ducere, affirmant Protestantes.

Judice ergo opus esse videtur, qui diversissima hominum judicia ad rectam, verámque normam deducat. Verum quis ille Judex? Num Sacra Scriptura, & recta ratio? Omnes quidem (inquit Böhmerus §. 10.) hos judices agnoscunt, postulántve: sed quis horum judicum sensus sit? cespitant, hætent, fluctuant, & de eo potissimum contendunt. Quilibet suam interpretationem sanam, veram, & Analogiae Scripturæ Sacrae conformem esse ait. Ergo rursus alio judice opus erit, qui mentem Scripturæ Sacrae, & juris naturæ declaret, determinetque? sed quis ille? Pontificiū, inquit, hoc judicium deferunt Ecclesia, hoc est, vel Pontifici, vel Concilio nationali, aut universali: nam etiam ipsimet sibi non constant in hac doctrina, ut præsens Controversia de suspectis doctrinis Quesnelli, quas Papa damnavit, docet. Protestantes quidam decisionem Cleri, & Principis, quidam solius Principis desiderant, quidam omnem decisionem respuerunt.

Verum nec isti, nec illi, judice Böhmero, difficultatem propositæ Questionis exhauiunt. Quanquam enī suo modo (inquit §. 11.) Decisionem in Republica fieri existimem in iis, quæ ad doctrinam, & precepta vivendi spectant, non tamen in iis, quæ ad RELIGIONEM, ET CONCEPTUM DE REBUS DIVINIS pertinent. Cur ita? Non penetrant bujusmodi leges (respondeat) quæ Controversiarum Decisionem continent, etiam ad intellectum, ut aliter rem concipiatur, alterque credatur, quam interna mentis contestatio ipsi dictitat. Rem exemplo, suæque Conscientiae testimonio declarat: Pontificiū, inquit, docent, panem Eucharisticum transubstantiari in Corpus ipsius Christi, indéque ipsi latrā debet jubent. Ego, teste mea conscientia, aliter sentio, nec ex Scriptura S. banc transubstantiationem eruere possum. - - - Ergo aliter quoque agere debeo, sive vera, sive erronea, ducar conscientia: si igitur in hac Controversia decisio propriè dicta locum inventaret, & pro transubstantiatione pronuntiaretur, singulisque latrā bujus panis Eucharistici injungeretur, contra conscientiam agere juberer. Est verò omni Religioni contrarium, ut quis relatae conscientia idipsum adoret, & colat, cuius ullum numen neque vult, neque potest confiteri.

Sed fortassis in errore versaris Böhmer, tuumque judicium, quod habes de transubstantiatione panis Eucharistici, S. Scripturæ sensui, & judicio conforme non est? ajunt quidem (reponit §. 12.) me versari in conscientia erronea, adeoque banc deponendam esse. Ut quid ergo non festinas illam deponere, & errorem ocyus executere? Quia de veri-

## Erroneus Boehmeri conceptus de Libertate &c.

veritate contrarie Sententiae non sum convictus, ego enim existimo adversarios verari in conscientia erronea. Ecclesia autem hunc errorem detegit, quae transubstantiationem panis in Corpus Christi fieri docet, & ita credendum præcipit. Apage, ait, cum judicio, & decisione Ecclesiae. *Neque vero hominis est, per vim, leges coactivas mibi errorem illum eximere, cum ad meatem non penetrant.* Cur vero non penetrant? Penetrant in animos fidelium Orthodoxorum Pontificum decisiones, obsequimur illis parendi promptitudine, & sic conscientias nostras ab erroris periculo immunes præstamus. Ut quid ergo tuam, tuique similium mentem non feriant, non penetrant? vide, ne hæc ipsa cordis tui impenetrabilitas pervicaciæ te arguat, atque adeo patenter tibi objiciat Conscientiæ tuæ errorem. Sit (audio mihi replicantem Boehmerum cit. §. 12.) me versari in conscientia erronea (quod tamen judicio decisivo nemo demonstrare potest) constat tamen, hominem peccare, qui agit contra dilamen Conscientiæ sua. Sed Conscientia tua erronea culpa non vacat. Ideoque obligaris ad errorem deponendum. Audio, quid reponas: convictus non sum, constat autem, quamdiu quis de errore convictus non est, non potest cogi ad errores deponendos, quia reluctante Conscientia illos deponeret, & sic rursus ad peccandum cogeretur. Agnitio autem errorum non per VIM imperari potest, sed DOCTRINA, CONSILIO, PERSUASIONE. Atqui hoc pacto nondum habemus judicem, vel potius authenticum S. Scripturæ interpretem, qui rectam Conscientiæ normam sine metu falsi nobis demonstraret. Non definitionem

Ecclesiæ, non Principis decisionem, non privatum cuiuslibet sensum: hic enim omnes suis in judiciis variant, vacillant, sive certam & rectam faciliorem, & agendorum normam constitutæ non valent. Quid ergo Consilii & in tanta ambiguitate? Boehmerus ex se ipso querit, & tandem §. 13. Mysterium libertatis sequenti Propositione aperit: *Commodissimum esse forsan dixeris, LIBERTATEM CONSCIENTIAS SINGULORUM INDULGERE, ut sentiant, credant, agantque secundum principia, quibus imbuti sunt, putantque, se coram DEO hoc modo ita agere, & sentire posse, & debere.* Sin aliter agunt, quām Conscientia teste, agere debebant, peccant, quia nōrunt, se agere contra præcepta, quibus animus eorum imbutus est. In hoc quippe videtur LIBERTAS CONSCIENTIÆ consistere, ut nemo cogatur agere contra præcepta, & principia, quæ pro veris, & ad salutem suam necessariis habet. Profecto fœtus hic (quod pace tua dixerim Boehmere) crudus adhuc, & informis est, subinde adhuc lambendus tibi.

Advertit id ipsum Boehmerus dum in §. sequenti sic scribit: *Verum, nè sic quidem res extra omnem ἀπογιαν constituta est, cùm objectiones eaque gravissime superfint, quæ contra LIBERTATEM CONSCIENTIÆ pugnare videntur.* Prima, eaque magni ponderis objectio petitur ex hominum intima corruptione, secundum quam perversi judicant de suis actionibus tam perpetratis, quam perpetrantis, adeoque si singulorum Conscientiæ in his standum effet, non IMPERIO, non LEGIBUS, nec aliis remediosis civilibus opus foret. Admittendum esset, quidquid aliquis agit, vel agere intendit, si se

riò asseverat, se salva conscientia id egisse, vel agere velle, se esse arbitrum & judicem suarum actionum, easque ad trutinam recte rationis, & Scripturæ S. fatis sufficien- tèque examinâsse, & deprehendisse, se aliter agere non potuisse, nec debuisse. Ita verò omnes leges, sententiae, judicata, pœnae, judicia. Imperia, Magistratusque red- derentur elusoria, si fanatico cultvis creden- dum esset, asserenti, conscientia salva se aliter agere haud potuisse, imo dominatui in conscientias adscribendum foret, si judicatum executioni daretur, pœneque dictatæ inobedientibus applicarentur, quod ipsum non posset non tollere vinculum societatis civilis, imo etiam illius, quod natura inter omnes homines constituit.

10 Quanquam verò aries hic satis va- lidus videatur, quo propugnaculum Libertatis Conscientiae à Böhmero recens extructum, quassatum corruat, cespitem tamen (nec enim luctanti in arena meliora munimenta suppetunt) eidem objicit, quo Libertatem Conscientiae taliter qualiter tueatur illæsam. Distinguendum esse, ait in §. 19. & seq. inter illas actiones, quæ communem pacem, tranquillitatemque civitatis con- cernunt, commercia respiciunt, meum, & tuum tangunt, & externa corporis, fame, vitæ, & bonorum integratati consulunt: & demum inter illas actiones & operationes, quæ Religionem, Cultum Divinum, & animæ propriæ salutem, re- spiciunt, ita, ut quoad priores actiones suo quisque arbitrio renuntiare, easque voluntati imperantis submittere debeat; non item quoad posteriores: nam præsumendum est, singulos in his animi motibus suam ipso facto reser- vâsse Conscientię Libertatem, hoc est, ut non tantum liberè cogitationes suas de

rebus moralibus formare, sed etiam ea, quæ animæ saluti proficia esse secundum principia, quibus imbutus est animus, senserint, agere, & Cultui Divino, qui huc facit, libere vacare possent. Et nè gratis hæc Böhmerum scripsisse existimemus, assertum suum, & ratio- ne probat, & S. Scripturæ testimonii confirmat. Recta ratio ostendit (sunt ejusdem verba cit. §. 20.) Nihil plus in Principem esse translatum, quam quod in ipsum transferri potuit, quodque ad finem Reipublicæ obtainendum in eum transferri debuit. Non autem potuit in eum trans- ferri, jus cogitationes singulorum effor- mandi, & doctrinam præscribendi, secundum quam conceptus animi sui formare, & non aliter sentire, aut credere debeant de DEO, ejus essentia, Redemptione per Christum, resurrectione mortuorum, aliisque fidei Ar- ticulis. Nullo modo homo ita mentis suæ est arbiter, ut eam simpliciter alterius arbitrio subjicere, & quam ei DEUS tribuit fa- cultatem ratiocinandi, abjicere queat. Id quod pluribus dein exaggerat, ac in fine cit. §. demum pro Colophone subjun- git: Quodsi denique imperanti imperium in intellectum, & internas mentis operatio- nes adscribimus, subditi conceptus mentis suæ toties mutare coguntur, quoties vel ipse, vel successor ejus eas mutat. Ita vero con- tingeret, ut si Princeps idololatra regno po- tiretur, idola adorare, & verum DEUM relinquere; si atheus esset, DEUM negare; si ad judaismum se converteret, Christo ma- ledicere; si rursus in hæresin incideret, ejus sequi nova dogmata cogerentur, quo nihil absurdius fingi potest. Quæ sententia tanto magis obtainere debet inter Chri- stianos (pergit §. 21.) quod DEUS ex singulare benignitate VERBUM SUUM Nobis dedit, singulisque publicavit, ut in

## Erroneus Boehmeri conceptus de Libertate &c. 7

eo, tanquam in speculo quodam nos intueri, & mentis nostra falsas fraudulentasque persuasiones cognoscere queamus. Non dedit ideo Scripturam S. ut ab aliorum Decisione dependeamus, sed ut ipsimet eam scrutemur, & viam salutis in ea investigemus. Quid vero insolentius? Quid absurdius esset, quam agnita ex Scriptura S. veritate contra veritatem credere, & agere? hoc est, reluctante Conscientia eis assentire, qui contrarium docent, praecipiunt, & poenis propositis homines adiungunt, ne aliter credant, & in cultu Religioso agant. Recta ratio docet, contra Conscientiam, si vel maxime aliis erronea videtur, homines eò ducent, non esse agendum: ergo, qui ita Conscientius dominari intendunt, homines eò ducent, ut contra rectam rationem agant, sentiant, & credant. Mehercle demonstratio hæc vitium non habet; tam patenter Conscientiae Libertatem revelat, ut excors sit, qui fidem Boehmero abnuat. Si Paulus hoc argumentandi genere usus fuisset ad Galatas, non habuisset, quod ipsis incredulitatem exprobraret. Galat. 3. v. 1. sed insensatos illos ad unum fanatiser omnes.

11 Verum, quo lucentius patescat, Libertatem Conscientiae omni jure cuivis deberi, atque adeo omni contentione à dominatu vindicandam esse, triplici hoc utitur argumento: ait enim in §. 16. eos, qui Conscientiae Libertatem negant, incidere in atheismum, arma persecutoribus suppeditare, quibus dominatum in conscientias exerceant, imo religionem omnem, quæ jure gentium libera esse debet, tollere, vel nutui Principis mutabili subjecere. Ajunt enim Athei, religionem, quam Conscientia in singulis format, esse incompatibilem cum utilitate publica: homines sub uno im-

perante conglutinatos, & unitos unius voluntate regi, & gubernari, nec eam alter conservari posse, nisi una sit ratio, & voluntas totius corporis civilis; è contrario Conscientiam, quam religio introducit, esse judicium singulorum particolare de bono, & malo, de justo, & injusto, bono publico omnino contrarium. Sc. Ex quo enim status libertatis, in quo homines ab initio positi erant, infinita mala produxit, necessum fuit, ab hoc statu recedere ad obtinendam pacem, idque factum fuisse per renuntiationem libertatis naturalis: inde consecutum est, ut omnes unius voluntati suam submitterent, & secundum ejus voluntatem sececturos promitterent: inde in civitate natum demum esse justum & injustum, licitum, & illicitum, extra hoc Conscientiam singulorum nullam, absurdam, & imaginationem reipublicæ adversantem, solam voluntatem imperantis esse normam agendorum, subditosque obligare in Conscientia. Secundo, qui Conscientie libertatem negant (inquit §. 17.) arma persecutoribus suppeditant, quibus seviant in aliorum Conscientias, & sic legitimant genitalium facinora contra Christianos, per tria priora secula perpetrata. Si nulla datur LIBERTAS CONSCIENTIÆ, male, & injustè egerunt Christiani, quod persecutoribus suis morem haud gesserint, quod strenue fidem in Christum sub ipsis gravissimis cruciatus, & suppliciis professi fuerint, quod Idolis thura offerre recusaverint. Si nulla datur LIBERTAS CONSCIENTIÆ, falsa, & seditiosa fuit doctrina Apostolorum, MAGIS ESSE OBEDIENDUM DEO, QUAM HOMINIBUS. Erronea fuit doctrina primitorum Christianorum, oportere nos in omni obsequio esse subditos Magistribus.

Prin-

## Dissertatio Præambula. §. I.

*Principibus, & Potestatibus, sed intra li-  
tra limites discipline, quousque ab Idolo-  
latria separamur, ut ait Tertullianus de  
Idolol. cap. 15. Ergo, cum neque pri-  
mi Christiani malè egerint, iussa Prin-  
cipum Ethnicorum, quoad Sacrificia  
Idololatrica non exequendo; nec Apo-  
stoli malè docuerint, DEO potius  
parendum esse, quàm hominibus, evi-  
denter sequitur, dari *Libertatem Con-  
scientiae*, & tamen adhuc hodie sicut  
*Papa cum affectis in Conscientias, quod  
TYRANNIDEM vocamus, sed satis ini-  
que, satis improvidè.**

Denique (pergit in §. 18.) negata *LI-  
BERTATE CONSCIENTIÆ* omnis Reli-  
gio tollitur, vel annibilatur. *Esi religio mo-  
dus co'endi DEUM. Cultus hic spontaneus  
esse debet, non coactus, non invitus. Tol-  
litur religio, si per vim imperatur, si illud  
homo colere jubetur, quod colendum esse  
non putat, vel illud colere prohibetur, quod  
colendum existimat.* Optime Tertullianus  
ad Scapulam cap. 2. *Humani juris, & na-  
turalis potestatis est, unicuique, quod pu-  
taverit, colere; nec alii obest, aut prodest  
alterius religio: sed nec Religionis est, co-  
gere Religionem, quæ sponte suscipi de-  
beat, non vi; cum & hostie ab animo li-  
benti expositulentur.*

12 Hæc tamen *Libertas Conscientiae* tam  
validis, ut mox vidimus, argumen-  
tis stabilita, aliquamdiu in Germania  
sub jugo *Papalis dominatus* pressa jace-  
bat; effictim Redemptorem suspirans,  
dum tandem (quæ est beneficentia Nu-  
minis sapienter omnia, & providè di-  
sponentis) ope, & opera MARTINI  
LUTHERI, ruptis Pontificiæ capti-  
vitatis vinculis, in pristina jura postli-

miniò restituta fuit. Referam id ver-  
bis Bœhmeri §. 28. sic scribentis: *Li-  
bertas hæc sepulta, & emortua jacebat,  
cum vindex ejus LUTHERUS exsureret.  
Acheronta movebant Romani contra hæc  
Monachi attentata; actum de eo videba-  
tur, nisi DEUS intercessisset, & oppres-  
sam Libertatem, ministerio LUTHERI  
reducere voluisset.*

Varia fata sub initium novitia hæc 13  
*Conscientiae Libertas* experta est, obniten-  
tibus vehementer Pontifice, ac Cæsare,  
statuque universo Ecclesiastico, prout  
fusius describit Bœhmerus §. 28. & seqq.  
donec tandem per *Transactionem Passa-  
viensem* Anno 1552. ea pacto publico  
stabilita, ac deinde in Comitiis Augu-  
stianis 1555. per pacem *Religiosam* magis  
roborata, ac demum, exacto illo infau-  
sto tricennali bello, per *Instrumentum-  
Pacis Cæsareo-Sueicum* Osnabrugis 1648.  
erectum plenissime restituta fuit. Quæ  
autem in specie in favorem *Libertatis  
Conscientie* in dicto Instrumento tam  
ipsis statibus *Protestantibus*, quàm *refor-  
matæ Religioni* addictis, eorumque  
subditis per dictam pacificationem &  
solennem transactionem indulta fuere,  
idem Bœhmerus §. 47. & pluribus seqq.  
singillatim recenset. Nos pleraque il-  
lius capita in nostris *Commentationi-  
bus* ad *Lib. I. Decretalium* jam enum-  
eravimus.

Hactenus Bœhmerum pro *Consci-  
entiae Libertate* masculè perorantem audi-  
vimus, lubet jam ejus quoque sensum,  
& sententiam de statu *servitutis*, in quem  
*Conscientia ex dominatu Papali* (phra-  
sis est dicti interpretis) conjecta fuit,  
attentis auribus excipere.

## §. II.

